

MËSIMI 25

1. Kush e mbrojti Jakobin dhe e ktheu të sigurtë nga toka e Haranit për në tokën e Kananit.

-Perëndia.

2. Si quhej djali që Jakobi donte më shumë se djemtë e tjerë?

-Jozef.

3. Për shkak se Jakobi e donte Jozefin më shumë se vëllezërit e tjerë, çfarë mendonin vëllezërit e tjerë për Jozefin?

-Ata ishin xhelozë për Jozefin dhe e urrenin atë.

4. Cila ishte ëndrra e parë që i dha Perëndia Jozefit?

-Duajt e grurit të vëllezërve u përkulën para duajve të Jozefit.

5. Cila ishte ëndërra e dytë që Perëndia i dha Jozefit?

-Dielli, hëna dhe 11 yje u përkulën para Jozefit.

6. Çfarë kuptimi kishin të dyja këto ëndrra?

-Një ditë, Perëndia do ta bënte Jozefin të parë dhe familja e Jozefit do të përkulej para tij.

7. Kush e njihte të ardhmen e Jozefit dhe ia tregoi atij të ardhmen përmes ëndrrave të tij?

-Perëndia.

8. Kur Jozefi shkoi për të parë vëllezërit e tij në ara çfarë bënë vëllezërit e tij?

-Së pari, ata ia morën rrobën e tij dhe e hodhën atë në një pus të thatë.

- Më vonë, ua shitën Jozefin si skllav tregtarëve të skllëvërve.

9. Për ku e morën tregtarët e skllëvërve Jozefin?

-Për në Egjipt.

10. Kujt ia shitën tregtarët e skllëvërve Jozefin si skllav?

-Potifarit.

11. Çfarë i ndodhi Jozefit ndërsa ishte skllav i Potifarit.

- Gruaja e Potifarit gënjeu për Jozefin dhe Potifari e futi Jozefin në burg.

-A e harroi Perëndia Jozefin?

-Jo.

-Perëndia nuk harron për asnjë.

-Jozefi ishte në burg në tokën e Egjiptit.

-Mbreti i Egjiptit quhej Faraon.

-Një ditë, Perëndia i dha Faraonit, mbretit të Egjiptit, një ëndërr.

Le të lexojmë Zanafilla 41:1-4

1-Por ndodhi që mbas dy vitesh të plota Faraoni pa një ëndërr. Ai ndodhej pranë një lumi,

2-dhe ja që ndërsa po ngjiten nga lumi shtatë lopë,

të hijshme e të majme, që nisën të kullosin ndër xunkthe.

3-Pas atyre, u ngjitën nga lumi shtatë lopë të tjera të shëmtuara dhe të dobëta, dhe u ndalën pranë të parave në bregun e lumit.

4-Tani lopët e shëmtuara dhe të dobëta hëngrën lopët e hijshme dhe të majme. Pastaj Faraoni u zgjua.

-Cila ishte ëndrra që i dha Perëndia Faraonit?

-Shtatë lopët e dobëta hëngrën shtatë lopët e shëndosha.

-Në të njëjtën natë, Perëndia i dha Faraonit një ëndërr të dytë.

Le të lexojmë Zanafilla 41:5-8

5-Më pas e zuri gjumi përsëri dhe pa një ëndërr të dytë; dhe, ja, shtatë kallinj të trashë dhe të bukur që dilnin nga një kërcell i vetëm.

6-Pastaj, ja, shtatë kallinj të hollë dhe të tharë nga era lindore, që mbinin pas tyre.

7-Dhe kallinj të hollë gëlltitën shtatë kallinj të trashë dhe të plotë. Atëherë Faraoni u zgjua dhe, ja, ishte një ëndërr.

8-Në mëngjes shpirti i tij qe i trazuar, dhe dërgoi e thirri tërë magjistarët dhe të diturit e Egjiptit; pastaj Faraoni u tregoi ëndrrat e tij, por asnjeri prej tyre nuk qe në gjendje t'ia interpretonte Faraonit.

-Cila ishte ëndërra e dytë që i dha Perëndia Faraonit?

-Shtatë kallinj të dobët hëngrën shtatë kallinj të trashë.

-Perëndia po i fliste Faraonit në ëndrrat e tij.

-Sot, si u flet Perëndia njerëzve?

-Sot, Perëndia u flet njerëzve me anë të Librit të Tij.

-Faraoni ishte mbreti i Egjiptit, por Faraoni nuk besonte në Perëndinë.

-Faraoni dhe njerëzit e tij adhuronin diellin, hënën dhe yjet.

-Faraoni dhe njerëzit e tij adhuronin bretkosat, kafshët dhe lumin që ishte në tokën e tyre.

-Edhe pse Faraoni nuk besonte në Perëndinë, a ishte në gjendje Perëndia ta drejtonte Faraonin të bënte atë që donte Perëndia?

-Po.

-Perëndia është Perëndi dhe Perëndia është në gjendje t'i drejtojë njerëzit për të bërë atë që Ai do.

-Nga që Perëndia është i përsosur, edhe çdo gjë që Ai bën me njerëzit është e përsosur.

-Të gjithë të diturit e Egjiptit nuk e dinin kuptimin e ëndrrave të Faraonit.

-Por dikush i tha Faraonit që Jozefi mund ta dinte kuptimin e ëndrrave të Faraonit.

-Prandaj, Faraoni dërgoi dikë te Jozefi që ta nxirrnin nga

burgu.

Le të lexojmë Zanafilla 41:14-16

14-Atëherë Faraoni dërgoi ta thërrisnin Jozefin, që e nxorrën menjëherë nga burgu nëntokësor. Kështu ai u rrua, ndërroi rrobat dhe erdhi te Faraoni.

15-Dhe Faraoni i tha Jozefit: "Kam parë një ëndërr dhe askush nuk është në gjendje ta interpretojë; por kam dëgjuar për ty se, kur ke dëgjuar një ëndërr, je në gjendje ta interpretosh".

16-Jozefi iu përgjegj Faraonit duke i thënë: "Nuk jam unë, por Perëndia do të japë një përgjigje për të mirën e Faraonit".

-Jozefi e dinte që ai nuk ishte në gjendje ta dinte kuptimin e ëndrrave të Faraonit.

-Por Jozefi dinte gjithashtu që Perëndia ishte në gjendje ta dinte kuptimin e ëndrrave të Faraonit.

-Për shkak se Jozefi besonte në Perëndinë, Perëndia ia tregoi Jozefit kuptimin e ëndrrave të Faraonit.

Le të lexojmë Zanafilla 41:25-32

25-Atëherë Jozefi i tha Faraonit: "Ëndërrat e Faraonit janë një ëndërr e njëjtë. Perëndia i tregoi Faraonit atë që po gatitet të bëjë.

26-Shtatë lopët e bukura janë shtatë vite dhe shtatë

kallinjtë e bukur janë shtatë vite; është e njëjta ëndërr.

27-Edhe shtatë lopët e dobëta dhe të shëmtuara, që ngjiteshin pas atyre, janë shtatë vite; edhe shtatë kallinjtë bosh dhe të tharë nga era lindore janë shtatë vite zije buke.

28-Këto janë ato që i thanë Faraonit: Perëndia i tregoi Faraonit atë që po përgatitet të bëjë.

29-Ja, po vij në shtatë vite bollëku të madh në tërë vendin e Egjiptit;

30-por pas këtyre do të vinë shtatë vite zije buke dhe gjithë ai bollëk do të harrohet në vendin e Egjiptit; dhe zija do të ligështojë vendin.

31-Dhe në vend nuk do ta kujtojnë më bollëkun e mëparshëm për shkak të zisë së bukës që do të vijë, sepse kjo do të jetë shumë e rëndë.

32-Fakti që kjo ëndërr i është shfaqur Faraonit dy herë do të thotë që këtë vendim e ka marrë Perëndia, dhe Perëndia do të bëjë që të ndodhë shpejt.

-Kush i dha Jozefit të kuptuarin e ëndrrave të Faraonit?

-Perëndia.

-Çfarë kuptimi kishin të dyja ëndrrat e Faraonit.

-Shtatë vitet e të korrave të mira do t'i haheshin nga shtatë vitet e zisë.

-Me shtatë vitet e të korrave të mira dhe shtatë vitet e zisë që po vinin, Jozefi i sugjeroi një plan Faraonit.

Le të lexojmë Zanafilla 41:33-36

33-Prandaj Faraoni të kërkojë një njeri të zgjuar dhe të urtë dhe ta caktojë në krye të Egjiptit.

34-Faraoni duhet të veprojë kështu: të emërojë në vend mbikqyrës për të mbledhur një të pestën e prodhimeve të vendit të Egjiptit, gjatë shtatë viteve të bollëkut.

35-Ata të grumbullojnë të gjitha ushqimet e këtyre viteve të mbara që po vinë dhe të grumbullojnë grurin nën autoritetin e Faraonit dhe ta ruajnë për furnizimin e qyteteve.

36-Këto ushqime do të jenë një rezervë për vendin në parashikim të shtatë viteve të zisë së bukës që do të bjerë në vendin e Egjiptit; kështu vendi nuk do të humbasë nga zija".

-Jozefi sugjeroi që Faraoni të gjente dikë që të grumbullonte tepricat e të korrave të viteve të mira me qëllim që njerëzit të kishin mjaft për të ngrënë gjatë viteve të zisë.

-Çfarë mendoi Faraoni për idenë e Jozefit?

Le të lexojmë Zanafilla 41:37-40

37-Kjo gjë i pëlqeu Faraonit dhe gjithë nëpunësve të tij.

38-Dhe Faraoni u tha nëpunësve të tij: "A mund të gjejme një njeri si ky, tek i cili të gjendet Fryma e Perëndisë?"

39-Atëherë Faraoni i tha Jozefit: "Me qënë se Perëndia

të bëri të dish të gjitha këto gjëra, nuk ka asnjëri të zgjuar dhe të ditur sa ti.

40-Ti do të jesh mbi shtëpinë time dhe i tërë populli im do t'u bindet urdhërave të tua; vetëm për fronin unë do të jem më i madh se ti".

-Faraoni e bëri Jozefin mbret të Egjiptit.

-Vetëm Faraoni ishte më i madh se Jozefi në Egjipt.

-Megjithëse Jozefi u shit nga vëllezërit e tij si një skllav, Perëndia nuk e braktisi Jozefin.

-Megjithëse Jozefi u fut në burg, Perëndia nuk e braktisi Jozefin.

-Si i plotësoi Perëndia ëndrrat që Ai i dha Jozefit kur Jozefi ishte akoma djalosh?

-Perëndia e bëri Jozefin mbret mbi të gjithë Egjiptin.

-Perëndia gjithmonë bën atë që Ai planifikon.

-Asnjë nuk mund t'i ndalojë planet e Perëndisë.

-Pasi Faraoni e bëri Jozefin mbret të Egjiptit, Jozefi grumbulloi tepricat e të korrave të viteve të mira.

Le të lexojmë Zanafilla 41:46-49

46-Tani Jozefi ishte tridhjetë vjeç kur u paraqit para Faraonit, mbretit të Egjiptit. Pastaj Jozefi u largua nga Faraoni dhe i ra anembanë Egjiptit.

47-Gjatë shtatë viteve të bollëkut, toka prodhoi shumë;
48-dhe Jozefi grumbulloi tërë ushqimet në vendin e
Egjiptit gjatë atyre shtatë viteve dhe i vendosi nëpër
qytetet; në çdo qytet vendosi ushqimet e territorit përreth.
49-Kështu Jozefi grumbulloi grurë, si rëra e detit, aq
shumë sa pushoi së mbajturi llogari sepse sasia e grurit
ishite e pallogaritshme.

-Gjatë shtatë viteve me të korra të mira, Jozefi grumbulloi
më shumë grurë sesa mund të llogaritej.

-Kur mbaruan shtatë vitet e të korrave të mira, filluan
shtatë vitet e zisë.

-Ku ishin babai dhe vëllezërit e Jozefit?

-Duke jetuar në Kanan.

-Në Kanan, filloi uria gjithashtu dhe babai i Jozefit dhe
vëllezërit e tij nuk kishin më ushqime.

-Ja se çfarë tha Jakobi, babai i Jozefit:

Le të lexojmë Zanafilla 42:1-5

1-Por Jakobi, pasi mësoi se në Egjipt kishte grurë, u
tha bijve të tij: "Pse shikoni njëri-tjetrin?".

2-Pastaj tha: "Ja, dëgjova se në Egjipt ka grurë; shkoni
atje poshtë për të blerë grurë për ne, që të mundim

të jetojmë dhe të mos vdesim".

3-Kështu dhjetë vëllezërit e Jozefit zbritën në Egjipt për të blerë grurë.

4-Por Jakobi nuk e dërgoi Beniaminin, vëllanë e Jozefit, me vëllezërit e tij, sepse thoshte: "Të mos i ngjasë ndonjë fatkeqësi".

5-Bijtë e Izraelit arritën aty, pra, për të blerë grurë, në mes të të ardhurve të tjerë, sepse në vendin e Kanaanëve mbretëronte zija.

-Babai i Jozefit, Jakobi, dërgoi bijtë e tij në Egjipt për të blerë grurë.

-Çfarë ndodhi kur vëllezërit e Jozefit arritën në Egjipt?

Le të lexojmë Zanafilla 42:6b-17

6b-[Kështu] vëllezërit e Jozefit erdhën dhe u përlulën para tij me fytyrën për tokë.

7-Jozefi pa vëllezërit e tij dhe i njohu, por u suall me ta si një i huaj dhe përdori fjalë të ashpra me ta, duke u thënë: "Nga vini?". Ata u përgjigjën: "Nga vendi i Kanaanit për të blerë ushqime".

8-Kështu Jozefi njohu vëllezërit e tij, por ata nuk e njohën atë.

9-Atëherë Jozefit iu kujtuan ëndrrat që kishte parë rreth tyre dhe tha: "Ju jeni spiunë! Keni ardhur këtu për të parë

pikat e pambrojtura të vendit!".

10-Ata iu përgjegjën: "Jo, zotëria im; shërbëtorët e tu kanë ardhur për të blerë ushqime.

11-Jemi të gjithë bijtë e të njëjtit njeri, jemi njerëz të ndershëm; shërbëtorët e tu nuk janë spiunë".

12-Por ai u tha atyre: "Jo, ju keni ardhur për të parë pikat e pambrojtura të vendit!".

13-Atëherë ata thanë: "Ne, shërbëtorët e tu, jemi dymbëdhjetë vëllezër, bij të të njëjtit njeri nga vendi i Kanaanit. Dhe ja, pra, më i riu është sot me atin tonë, dhe njeri prej tyre nuk është më".

14-Por Jozefi u tha atyre: "Çështja qëndron ashtu siç ju thashë: ju jeni spiunë!

15-Ja si do të viheni në provë: ashtu siç është e vërteta që Faraoni jeton, nuk do të dilni këtej para se vëllai juaj më i vogël të vijë këtu.

16-Dërgoni njerin prej jush të marrë vëllanë tuaj; dhe ju do të qëndroni këtu në burg, që fjalët tuaja të provohen dhe të shihet nëse thoni të vërtetën; për ndryshe, ashtu siç është e vërtetë që Faraoni jeton, ju jeni spiunë!".

17-Kështu i futi bashkë në burg për tri ditë.

-Jozefi i njohu vëllezërit e tij, por vëllezërit e tij nuk e njohën Jozefin.

-Pse i trajtoi ashpër Jozefi vëllezërit e tij dhe i futi në burg?

-Jozefi donte që vëllezërit e tij të mendonin për atë që i bënë atij kur ai ishte akoma i ri.

-Pas tre ditësh, Jozefi i nxori nga burgu të gjithë vëllezërit përveç njërit.

-Ja se çfarë u tha Jozefi vëllezërve të tij.

Le të lexojmë Zanafilla 42:18-20

18-Ditën e tretë, Jozefi u tha atyre: "Bëni këtë dhe do të jetoni; unë kam frikë nga Perëndia!

19-Në rast se jeni njerëz të ndershëm, njeri nga ju vëllezërit të rrijë i lidhur me zinxhir në burgun tonë, dhe ju shkoni t'u çoni grurë familjeve tuaja që vdesin urie;

20-pastaj më sillni vëllanë tuaj më të vogël; kështu do të vërtetohen fjalët tuaja dhe ju nuk keni për të vdekur".
Dhe ata vepruan kështu.

-Jozefi u dha grurë vëllezërve dhe i dërgoi të gjithë vëllezërit të ktheheshin në Kanan përveç njërit.

-Pas një farë kohe, gruri që vëllezërit e Jozefit kishin marrë për në tokën e Kananit u mbarua.

-Prandaj, babai i Jozefit u tha bijve të tij të ktheheshin në Egjipt për të blerë më shumë.

Le të lexojmë Zanafilla 43:1-5 & 11-14

1-Por zija ishte e madhe në vend;

2-dhe kur mbaruan së ngrëni grurin që kishin sjellë nga Egjipti, i ati u tha atyre: "Kthehuni për të na blerë pak

ushqime".

3-Por Juda iu përgjegj duke thënë: "Ai njeri na ka paralajmëruar haptas duke thënë: "Nuk keni për ta parë fytyrën time, në qoftë se vëllai juaj nuk do të jetë me ju".

4-Në qoftë se ti e nis vëllanë tonë me ne, ne do të zbresim dhe do të të blejmë ushqime;

5-por në rast se nuk e nis, ne nuk kemi për të zbritur, sepse ai njeri na tha: "Nuk keni për ta parë fytyrën time, në rast se vëllai juaj nuk do të jetë me ju".

11-Atëherë Izraeli, ati i tyre, u tha atyre: "Po të jetë ashtu, veproni në këtë mënyrë: merrni në trastat tuaja disa nga prodhimet më të mira të vendit dhe i çoni atij njeriu një dhuratë: pak balsam, pak mjaltë, disa aroma e mirrë, fistikë dhe bajame.

12-Merrni me vete dyfishin e parave dhe kthejani paratë që ju vunë në grykën e trastave tuaja, ndofta ka qenë një gabim.

13-Merrni edhe vëllanë tuaj, dhe çohuni dhe kthehuni tek ai njeri;

14-dhe Perëndia i plotfuqishëm t'ju bëjë të gjeni hir para atij njeriu, kështu që ai të lirojë vëllanë tjetër tuajin dhe Benjaminin. Sa për mua, po të jetë se duhet të mbetem pa bijtë e mi, ashtu qoftë!".

15-Ata, pra, morën me vete dhuratën si dhe dyfishin e parave dhe Benjaminin; u ngritën dhe zbritën në Egjipt dhe u paraqitën para Jozefit.

-Vëllezërit e Jozefit u kthyen në Egjipt.

-Kur ata arritën në Egjipt, Jozefi i ftoi të gjithë vëllezërit

në shtëpinë e tij.

Le të lexojmë Zanafilla 42:16-17

16-Kur Jozefi pa Beniaminin bashkë me ta, i tha kryeshërbëtorit të shtëpisë së tij: "Çoji këta njerëz në shtëpi, ther një kafshë dhe përgatit një banket, sepse ata do të hanë drekë bashkë me mua".

17-Dhe ai bëri ashtu siç e urdhëroi Jozefi dhe i çoi në shtëpinë e Jozefit.

-Ndërsa Jozefi dhe vëllezërit e tij ishin bashkë, Jozefi u tregoi vëllezërve të tij që ishte ai.

Le të lexojmë Zanafilla 45:3-8

3-Pastaj Jozefi u tha vëllezërve të tij: "Unë jam Jozefi, a është ende gjallë ati im?". Por vëllezërit e tij nuk mund t'i përgjigjeshin, sepse ishin të tronditur thellë në praninë e tij.

4-Atëherë Jozefi u tha vëllezërve të tij: "Afrohuni, pra, tek unë!". Ata iu afruan dhe ai u tha: "Unë jam Jozefi, vëllai juaj, që ju e shitët që ta çonin në Egjipt.

5-Por tani mos u trishtoni dhe mos t'ju vijë keq që më shitët me qëllim që të çohesha këtu poshtë, sepse Perëndia më ka dërguar para jush për të ruajtur jetën tuaj.

6-Në fakt u bënë dy vjet që ra zija e bukës në vend; dhe do të ketë pesë vjet të tjera gjatë të cilave as do të lërohet, as do të korret.

7-Por Perëndia më ka dërguar para jush, me qëllim që

të ruhet diçka mbi tokë dhe për t'ju shpëtuar jetën me një çlirim të madh.

8-Nuk jeni ju, pra, që më dërguat këtu, por është Perëndia; ai më caktoi si atë i Faraonit, si zot i krejt shtëpisë së tij dhe si qeveritar i tërë vendit të Egjiptit.

-Çfarë u tha Jozefi vëllezërve të tij?

-Jozefi tha që Perëndia vetë e kishte dërguar Jozefin në Egjipt.

-Për shkak se ishte akoma zi, Jozefi u kërkoi vëllezërve të tij të ktheheshin në Kanan dhe të sillnin babanë e tij dhe familjen në Egjipt.

Le të lexojmë Zanafilla 45:9-11

9-Nxitoni të riktheheni tek ati im dhe i thoni: "Kështu thotë biri yt Jozefi: Perëndia më ka caktuar si zot i gjithë Egjiptit; zbrit tek unë, mos u vono;

10-ti do të banosh në vendin e Goshenit dhe do jesh afër meje; ti dhe bijtë e tu, bijtë e bijve të tu, kopetë e bagëtive të imta e të trasha dhe gjithçka ti zotëron.

11-Dhe atje unë do të të ushqej, sepse do të ketë edhe pesë vjet të tjera zije, me qëllim që ti të mos katandisesh në mjerim: ti, familja jote dhe gjithçka zotëron".

-Vëllezërit e Jozefit u kthyen në Kanan.

-Dëgjo se çfarë i thanë ata babait të tyre Jakobit:

Le të lexojmë Zanafilla 45:25-28

25-Atëherë ata u ngjitën përsëri nga Egjipti dhe arritën në vendin e Kanaanit të Jakobi, ati i tyre.

26-Dhe i kallëzuan gjithçka, duke thënë: "Jozefi është ende gjallë dhe është qeveritari i gjithë shtetit të Egjiptit". Por zemra e atij nuk iu ngroh, sepse nuk u besonte atyre.

27-Po kur ata i treguan tërë fjalët që u kishte thënë Jozefi dhe kur pa qerret që Jozefi kishte dërguar për ta marrë atë, atëherë shpirti i Jakobit atit të tyre, u ringjall

28-dhe Izraeli tha: "Mjaft; djali im Jozefi është ende gjallë; unë do të shkoj ta shoh para se të vdes".

-Kështu, babai i Jozefit dhe vëllezërit shkuan në Egjipt për të jetuar me Jozefin.

Le të lexojmë Zanafilla 46:5

5-Por tani mos u trishtoni dhe mos t'ju vijë keq që më shitet me qëllim që të çohesha këtu poshtë, sepse Perëndia më ka dërguar para jush për të ruajtur jetën tuaj.

-Pasi kshin kaluar shumë vite, Perëndia ishte duke bërë atë që Ai pati premtuar.

-Të gjitha ato që Perëndia i ka premtuar, Ai do t'i bëjë.